

遂平縣志

地150.225

34

1~4

遂平縣志序

有可以証重黎擬山流  
紀烏閭猶龍希風董狐  
踪司馬擅三長而信今  
後者邑志也合乎體制則  
上之郡則上之省則上之  
朝志一統焉皆自邑志始

願可不鄭重講明而詳加  
考核歟遂平古吳房也唐  
改今名明神宗時邑令王  
致和有志猶未詳至  
國朝順治己亥邑令張鼎新  
起而重輯之厥有成書歷  
今又百年矣然薰蕕未分



魚豕難辨摩抄漉漫折  
焉金明府石屋以名造  
來宰是邦博採輿情廣  
載籍知化民成俗興利  
弊必有考鏡而後可要  
久爰舉邑志而釐定之余  
觀志中所載卓々表見者

則有若新河既開又恐下  
地之被浸也於郭家橋至  
吳家橋築堰鑿渠使水有  
歸束而下游之患以除邑  
西多山大雨山水達瓴而  
下為一邑害因築新家橋  
隄開兩引河而宣防有法

其南沙河行人病涉曰  
善慶橋以利往來貧民  
食增修普濟堂以養老幼  
復振興文教新費序為相  
度舊址式廓而增美之建  
吳房書院延師訓課多造  
就以成材他如貞女烈婦

必為發幽闡微風化因而  
日起凡此皆金君蒞任後  
修舉之事賢哉令尹是教  
養之大端也我


國家統一寰區重熙累洽民  
安物阜咸享太平之福我  
皇上聖治覃敷愛民如子重司

牧之官而慎其選百望  
即以儲公輔之器誠得  
人不繭絲而保障之詎不  
盛哉余忝任封圻豫為中  
土紀州縣凡百有九亦願  
人人如遂平可以報政矣  
書成將授之梓觀其條分

縷晰綱舉目張瞭若指掌  
不特採風問俗者尚焉今  
而後遂平乃有真志也余  
以其有關於政治而秉筆  
亦大合於古作者因喜而  
為之序

光緒二十四年歲次己卯

冬十月 太子少傅撫孫  
使者古歙胡寶琮書



郡邑有志蓋以記疆域田賦學校風俗襍祥暨官師人物山川草木之屬

上關

國是下繫民風匪細故也官斯土者欲盡教養之責而攷鏡無聞其何以游刃有資耶余於丁丑春奉

命來守汝南下車之始閱郡舊乘輯於康熙三十四年迄今已歷六十餘載因

遂平縣志

序

一

革損益今昔不侔而其間之憲章典籍并名宦鄉賢節孝之流皆闕焉未錄中心怦怦亟思有以續訂之因考各屬縣志尤荒畧無徵余之怦怦滋甚倘觀風者過而問之則吏治不光辱在守令矣是年汝上等縣夏水成災民生困苦

聖天子隆恩疊沛拯恤頻施余奉

大中丞劉公祿論推廣  
事余又有陝甘軍需之役已卯  
訖旋署薄書教學日夕不遑  
志之願數年猶未逮也遂平  
出其新志以示余公祿被閱  
例井然不漏不支足以傳信  
民多俊文堪造就後令擬建

遂平縣志 序

師設教文風較昔爲盛邑之  
舊有石洋河泛流爲患金令  
築堤疏濬下游游湖且數十  
登大有民賴安全此金令於  
養二端卓然可以表見者金  
進士雅擅文章而其輯志之  
余有同心且喜其先我告厥  
是乎書

重修遂平縣志序

遂平在豫之西南爲楚粵孔道古房子國也邑舊有志明末燬於兵

本朝順治十六年縣令張君開新奉檄修

輯又忽忽百年於茲矣

濟

不敏承乏斯

土甫下車觀風問俗卽取舊志遍覽見其頗缺畧竊有重纂之志時以水患築堰鑿渠未暇也今年春公事少閒始克舉而從事焉夫縣志者一邑紀綱法度

遂平縣志

序

之所管也我

國家化成久道民物又安薄海內外無一夫不得其所遂平雖下邑百餘年來沐膏咏勤世世仰霑

聖澤生齒日以繁田野日以闢農桑之利庠序之教養老卹孤賑貸修築之備月一歲會靡弗興故其學士服習詩書成而名立其小民力勤務本保生安教令孝了貞婦耆年之老修禮

睦婣者咸式於鄉閭俗之化也積漸而成有由然矣至於同官文武或近或遠多有政績可紀卽在事之歲時以觀其治行亦考鏡得失之林也縣令親民之官民生之利病與一家之休戚無異非於條理節目之大者了然於心亦安必臨事之一無疑阻乎故縣志之所係甚重非徒徵文考獻侈淹雅之觀美已也是役也參稽舊聞訪之故老於前志之

訛缺者補之訂之而近事之信而有徵者詳爲續載凡以觀民風出治理用以自勉且與後之豈弟君子共之也



乾隆二十四年歲次己卯冬十月

湯進士出身知遂平縣事休寧金忠濟撰

濟忠



乾隆二十四年歲次己卯冬十月  
中憲大夫知河南汝寧府事軍功加  
一級又加一級紀錄七次屯城換



平縣志

重修

遂平縣知縣金忠濟

河南休寧人

同修

遂平縣教諭李謙光

河南人

遂平縣訓導張繡文

滑縣人

遂平縣典史任鑰

福建浦城人

纂輯

祝鳴 江蘇金匱人

附監生

遂平縣志

姓氏

魏必謨 邑舉人

張印藝 邑舉人

魏延殿 邑副榜

王陳書 邑廩生

張敬修 邑廩生

龍溥 邑庠生

李同基 邑廩生

田化龍 邑廩生

李大成 邑庠生

校訂

魏敦詩 邑副貢

龍衡生 邑貢生

張永昭 邑庠生

沈西銘 邑庠生

謝九章 邑庠生

齊刊

劉法乾 邑人

魏 鏊 邑人

遂平縣志

姓氏

二

平縣志凡例

一志以傳信亦以闕疑舊志輯自順治己亥迄今  
廢屢更討論不易正其訛謬補其遺忘歷春  
三時而成共十六卷仍首列舊叙者不沒前勞  
一星野輿地城郭公廨學校書院俱繪圖以列  
令人開卷瞭然

一舊志分十五卷如建置直入卷九殊非體制茲編  
首冠天文地理卽述建置所以尊

朝廷也中間并附倉廩舖遞等詳於舊編

遂平縣志

凡例

一田賦固隨時變更但存支起運

國家理財自有定制舊志乃置之不論今原額悉照賦  
役全書開載徵收支解則據現年實數至遂當南  
北之衝皇華絡繹關係緊要爲增入驛站一條蓋  
亦斷斷不可缺者

一人物嚴濫收凡有開送必細經諮訪或輿論不愜  
少生訛議者槩屏之舊志所載間汰去一二何  
于今知我罪我弗計也總不使亂真而已

一貞烈宜另編舊志卽以附人物之末其于

又分卷均未盡善今考其人鄉此則志鄉賢  
則志名宦而貞烈自爲一卷豈僅分門別類  
各造其極之意云爾

一 禮祥百年以來荒遠無稽者盡斥之近今從  
正以前從畧

一 藝文關邑之風化並山川土俗者悉登之其他  
於所遇感物賦懷類不過取節焉如舊志敘文  
古蹟內皆載吳房十景茲編爲附見於吟咏之  
而不特書其名者抑末也

舊序

萬歷丙戌之夏和承乏知遂平視篆後觀風俗  
似與官制所載稍左不知今皆風會殊耶抑  
事蓋一邑耶竊有疑焉詢及志僉曰自庚午  
之變亡存矣嘉靖癸丑間有欲修之不果大  
廢有時矧志闕文獻匪細爰博搜採有以  
笥殘編來獻者喜得其略而惜其未全會文宗李  
公徽州縣志迺謀諸吳子國俊曰邑而無志將誰  
責乎責在有司與學校若秉風教同事茲士盡爲

遂平縣志

舊序

一

我輯之時唐子體元適至偕吳子會率諸生訂正  
焉猶懼獨見無以愜輿論復就正於冀君璿以舊  
蹟多采錄也叅評於王君東周陳君詩月且宗獻  
也捐俸刻木屬江典史日成乃執事事也歷三越  
月告成焉或曰邑非志不彰志非史筆不信申鳴  
王太史一經品題誠哉信且彰矣而獨無一言及  
乎和謝曰初不知冒昧修之慄慄然深懼獲罪矣  
雖然諸賢之力不可泯也畧書其顛末如此俾後  
之有所考焉時萬歷十四年知縣王致和敘

舊序

志以傳信志以傳疑或前之所疑及今始信與  
疑意以傳信如今之所信不能必後人之不疑  
何以志爲哉余於

今上之十有五年七月歲在戊戌躬承

簡命撫蒞斯土一切繁務沿革匪一胼手胝足日多

遑會

巡撫賈懼典籍之漸亡致

國史之不備爰檄所屬各修邑志搜採者久之咸云

遂平縣志

舊序

二

前志自明萬歷十四年縣令王公致和修後屢因  
兵燹卽金函玉軸亦介淪藉矧區區帖括哉經時  
殫月止獲數紙於灰燼之餘字盡句缺不次不倫  
爰集邑之紳衿耆老躬輟簿書悉爲校纂先繪城  
郭圖及地輿圖按圖以觀荷天之覆故作天文志  
而星野附之荷地之載故作地理志而沿革疆域  
山川形勢附之若渣呀僊洞嶼嶺秋雲石洋春水  
濟瀆行祠沙溪晚渡文城古跡鳳臺夜月禪林塔  
影并附之牛池紫霧丹陽福地又增附之斯皆邑